



## **ORDENANZA FISCAL REGULADORA DA TAXA POR ENTRADAS DE VEHÍCULOS A TRAVÉS DAS BEIRAVÍAS E RESERVAS DE VÍA PÚBLICA PARA APARCAMENTO EXCLUSIVO, PARADA DE VEHÍCULOS, CARGA E DESCARGA DE MERCADORÍAS DE CALQUERA CLASE**

### **Artigo 1.- Natureza e fundamento**

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases de réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 á 19 da Lei 39/88, do 28 de decembro, acorda a imposición e ordenación da Taxa por entradas de vehículos a través das beiravías e reservas de vía pública para aparcamento exclusivo, parada de vehículos, carga e descarga de mercadorías de calquera clase e outros usos similares.

### **Artigo 2. Feito imponible.**

Constitúen o feito imponible da Taxa a utilización privativa ou aproveitamento especial do dominio público municipal con entradas de vehículos a través de beiravías e reservas de vía pública para aparcamento exclusivo, parada de vehículos, carga e descarga de mercadorías de calquera clase e outras reservas análogas.

### **Artigo 3.- Suxeitos pasivos.**

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

Serán suxeitos pasivos substitutos do contribuínte desta taxa os propietarios dos terreos e locais aos que den acceso ditas entradas de vehículos, os cales poderán repercutir, no seu caso, as cotas sobre os respectivos beneficiarios.

### **Artigo 4.- Responsabeis.**

Serán responsabeis solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

Serán responsabeis subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.



CONCELLO DE REDONDEIRA

### **Artigo 5.- Cota tributaria.**

A cota desta taxa será a que figura no anexo desta ordenanza.

### **Artigo 6.- Beneficios fiscais.**

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

### **Artigo 7.- Devengo.**

Devéngase a taxa e nace a obriga de contribuír:

Nos servizos de retribución puntual, no momento de presenta-la solicitude de concesión ou autorización de aproveitamento.

Nos servizos de retribución periódica, devengarase a taxa o día primeiro de cada ano natural.

### **Artigo 8.- Liquidación.**

Cando se trate de servizos puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.

Cando se trate de servizos de retribución periódica, liquidarase a taxa nos períodos que se sinalen na tarifa da taxa ou co padrón anual de exaccións municipais.

Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abrir o oportuno expediente sancionador por infracción tributaria.

### **Artigo 9.- Ingreso.**

O pagamento desta taxa realizarase:

Nas liquidacións de contraído previo, na Tesouraría municipal ou nas entidades financeiras que na notificación se sinalen. En todo caso, o ingreso será anterior ao único do expediente de concesión ou autorización do aproveitamento interesado.

Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

### **Artigo 10.- Infraccións e sancións.**

Nesta materia estarase ao disposto na Lei xeral tributaria e normativa de desenvolvemento.



### **Artigo 11.- Normas de xestión.**

As persoas ou entidades interesadas na concesión ou autorización para realizar os aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

No caso de denegarse as autorizacións, os interesados poderán solicitar a devolución da taxa ingresada en calidade de depósito previo.

Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ao de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

### **Disposición final.-**

Esta ordenanza fiscal entrará en vigor o día da súa publicación no Boletín oficial da provincia de Pontevedra, e comezará a aplicarse a partir do día 1 de xaneiro do ano 2006, permanecendo en vigor até a súa modificación ou derogación expresa.

### **Anexo.-**

| Tarifa   | Concepto /ano |
|--|---------------|
| 1. Estacións de servizo  | 50,07         |
| 2. Talleres de reparación de carruaxes de toda clase, que non se dediquen a garaxe público | 100,12        |
| 3. Garaxes:  |               |
| 3.1 Até 3,5 m/l de reserva de entrada, medido no oco de entrada/saída                      | 20,02         |
| 3.2 Exceso, por m/l, medido no oco de entrada/saída  | 20,02         |
| 3.3 Ademáis, até 2 vehículos de capacidade do garaxe                                       | 10,01         |
| 3.4 Por cada vehículo máis   | 10,01         |



CONCELLO DE REDONDELA

4. Por reserva de vía pública para aparcamento exclusivo e carga e descarga de mercadorías, por cada m/l 3,01

5. Rótulos anuais normalizados de uso obrigatorio e exclusivo a facilitar polo Concello de Redondela 9,84

Publicacións Boletín Oficial da Provincia de Pontevedra:

- BOP número 249, do 30.12.1998
- BOP número 245, do 26.12.2000
- BOP número 241, do 15.12.2003
- BOP número 247, do 27.12.2005
- BOP número 249, do 26.12.2008